

Festival Voz-I-Landia Escolar preparando pa su gran final

ORANJESTAD - Dilanti un sala atrobe completamente "sold out", e di dos pfinal di Festival Voz-I-Landia Escolar 1994 a desarroyá den un atardi sumamente emocionante y excitante.

Durante e atardi aki 22 skol cu 22 participante (un dou), a duna un presentacion di un nivel hopi halto. Tabata obvio cu no solamente e cantantenan a duna muestra di nan talento vocal, sino tambe cu compositor y arreglistanan conhuntamente cu e gufanan di e participantenan a uni nan talentonan p'asina brinda e público un atardi masha agradable.

Tabata un lástima cu ta 10 so por a clasificá pa e Gran final, pasobra sin excepcion tur participante a duna un tremendo actuacion.

Atrobe e coro bao gufa di Sra. Maybeline Arends-Croes y e orquesta cu e maestro Amado Rosina, a duna di conocé cu Aruba ta poseé tur profesionalismo posibel riba

e tereno aki.

E 10 finalistanan cu lo pasa pa e gran final cu lo tuma lugá dia 27 di Maart awor ta:

Emmily Bueno de Mesquita y Alexander van Veen (Dou), di Mon Plaisir School

Raghnall Bermudez di Colegio Laura Wemet-Paskel Elizabeth de Cuba di Fátima College

Yunella Webb di Colegio Hilario Angela

Carisia Noguera di St. Aloysius School

Sandy Nakad di Colegio Frère Bonifacius

Joselito Geerman di Colegio Ora Ubao

Edjean Semeleer di Puis X School

Elizabeth de Kort di St. Dominicus College y James v/der Linde di Heilig Hart College

Pa e gran final carchinan ta na venta caba desde ayera na tur e skolnan mencioná y tambe na Fátima College. □

Centro di Barrio Tanki Leendert ta celebrá Himno y Bandera

ORANJESTAD - Dia 18 di Maart awor, Tanki Leendert ta celebrá e promé lustro di actividadnan cu ta ser organizá na Centro di Barrio Tanki Leendert.

Pa loke ta weganan popular e aña aki trobe grandi y chiquito lo por bai goza di nan. E weganan ta corremiento den saco, sutamento cu cuschinchi, cana riba blòki y hopi mas.

Cu tur e weganan popular esaki lo culminá den rancamento di cabuya y subimento di palo di sebé. E dia aki lo iniciá pa 10'or di mainta cu weganan popular. Pa 11:30 lo tin e programa oficial entre

cual lo entregá un plakaat di estímulo y uno di reconocimiento.

Durante e último cuater añanan cu a pasa a entregá plakaat di reconocimiento na 1990 na Chinto Erasmus pa su logronan organisatorio, spiritual y educacional.

Na 1991 esaki a ser entregá na Sr. Elias Fingal pa su contribucion organisatorio, spiritual deportivo y educacional. Na 1992 e plakaat a ser entregá na Juffrouw Joanna Trimon pa su atencion educacional y spiritual, mientras cu aña pasá esaki a bai pa juffrouw Edith Harms pa su dedicacion na educa-

cion infantil.

Pa loke ta trata plakaat di estímulo esaki a ser entregá na 1991 pa promé biaha na Sr. Franklin Danies pa su logronan deportivo, loke tambe a sosodé na 1992 na e hoben Glenn de Cuba y aña pasá na e hoben Eldrick Oduber.

E dia aki lo bira uno sigur grandísimo. Lo tin tambe resultado di un competencia di pintamento di Colegio Ora Ubao, lo tin un cushina crioyo mescos cu riba dia di Betico y e atardi lo ta uno placentero, na unda cu Placentero Ritmo y Cuerde lo actua for di 3'or te cu 6'or. □

Dr. Horacio Oduber Hospital cu curso pa enfermero

ORANJESTAD - Recientemente dr. Horacio Oduber Hospital a organizá un curso "deskundigheidsbeoordeling" pa enfermeronan di e segundo nivel, esta verzorgende/verplegers.

E curso a tuma lugá entre Januari y Maart. E tópiconan

cu a ser tratá den e curso aki tabata e.o.:

"methodisch handelen"
"het verpleegkundig proces"
"instrumenteel-technische aspecten van zorg".

Coordinadora di e curso aki tabata Sra. Milda ter Maten, di departamento di

Enseñanza di Hospital.

E certificadonan a ser entregá na e siguiente cursistanan: Sandra Vleeming, Filomena Martes, Shirley Isei, Anita Kootstra, Sacha Gibbs, Lily Zichem, Marcel van Bockel, Frida Werfeman, Wilma Bakker y Zwaantje Tichelaar. □

E situacion di nos famíanan na Aruba

Desarroyonan den famfa ta consecucionan directo pa su miembronan, tanto e mayornan, jiuñan y demas miembro. Actualmente e unidad di famfa ta confrontando hopi desarroyo:

- *famfanan cu ta confrontá divorcio
- *famfanan di cual ambos mayoman ta traha pafor di cas
- *matrimonionan mixto, mayornan di diferente nacionalidad
- *e cantidad di jiu pa famia a baha
- *famfa cu solamente un mayor na cabez p.e. e mama soltera, y asina por sigui!

E desarroyo rápido di nos economía, e migracion, e poblacion cu a crece, trabao di shift cada uno tin su impacto riba e estructura familiar.

Den cuadro cu a keda presentá awe, e comision aki lo bai ehecutá su trabao. Algun tarea di e comision aki ta:

- *Promové aña internacional di famfa
- *identificá, observá y evaluá diferente proyecto/ley cualnan directamente y indirectamente ta afectá famfanan.
- *formulá y ehecutá un plan di accion en relacion cu celebracion di A.I.F.

*studia e situacion di famfanan na Aruba cu e propósito di identificá cierto desarroyonan específico y problemanan cu ta afectá famfanan.

*apelá na opinion público pa atendé issue y problemanan afectando famfa na Aruba.

*facilitá participacion activo di e sector di iniciativa particular den preparacion pa y observacion di e A.I.F.

*observá y evaluá críticamente, maneho y proyectonan relacioná cu famfa. □



ORANJESTAD - En coneccion cu nan promé lustro recientemente a ser inaugurá e showroom di Radiance computer Research nv den Nieuwstraat 14.

Cu e apertura aki e showroom nobo y amplio aki por brinda e cliente un espacio amplio cu tur facilidad pa un mihó servicio y un surtido mas amplio di computer, multimedia, accesorios y programa.

Ademas di e Showroom Radiance su departamento técnico y di instalacion ta cla pa brinda pueblo di Aruba su servicio profesional tur momento. Na e ocasion special aki tabata presente Ministro Freddy's Refunjol. □